

Nobo. - (diaranson 26 november 1986)

*Awenochi na
Tele-Curacao*

Programa special riba Betico Croes

WILLEMSTAD.— Tele-Curacao awe nochí lo tin un programa special dedicá na e carera político di e fayecido político arubano, Betico Croes.

E programa aki lo keda presentá directamente despues di noticia di 8'or di anochi, y ta conta cu entrevista cu Robby Schouten a sostené cu yunan di e político apenas siman pasá. E entrevista aki tabata pa e programa "leu fo'i kas".

E programa di mei ora ta conta cu diferente entrévista hasí, y cu ta den archivo di departamentu di noticia di Tele-Curacao, tambe informacion riba su carera den política etc.

Manera ta conocí, despues di a pasa casi 11 luna completo den coma, e político arubano a fayecé den oranan di awe marduga na Hulanda.

Pas na su restunan!